

晚

晴

移

詩

匯

晚晴移詩匯卷八十七目錄

佟應一首

常裕一首

惠敏一首

金良二首

查善和二首

曹昕三首

趙思一首

牛克敬一首

宮去矜一首

余鵬一首

李本楨二首

錢廷文二首

呂公溥一首

楊維棟一首

劉灃一首

賈澤洛四首

朱瑤一首

秦知域二首

祁琳一首

毛啟鳳一首

陳一策二首

徐光義一首

徐光美

一首

陸曾蕃

一首

劉文煒

二首

柴才

一首

鄭炎

三首

葉菁

一首

蔡環黼

三首

錢源來

二首

浦鏗

二首

吳燦文

五首

劉文蔚

二首

張綦母

二首

宋景闕

一首

魏舒

二首

樓錡

三首

姜宸熙

三首

張世昌

二首

張世仁

二首

王德溥

六首

施學韓

一首

丁維時

二首

陸建

四首

張雲錦

一首

蔡忠立

二首

汪大經

二首

何經愉

三首

李旦華

二首

鄧裴

一首

張舟

二首

劉士俊

一首

謝本量

二首

李能哲

一首

胡本榮

一首

孫煦

三首

張九琮

二首

廖國恩

二首

羅天閫

三首

吳登鴻

六首

吳炯

一首

崔宏楸

二首

王敬禧

二首

陳士杜

一首

許儒龍

四首

晚晴彩詩匯卷八十七

徐世昌

佟應字仲威滿洲旗人有桔槔集

贈陳雨亭

路上逢君一慨然短衣破帽向人前昔時曾記南樓話勸
汝歸耕北郭田四海論交誰納履十年謀道可忘筌空思
閉戶終難得僕僕風塵好自憐

常裕字德淵滿洲旗人有綠雪堂詩藁

游大慧寺

何處風鈴急松陰見敗牆塵封禪舍冷草長戒臺荒有鳥
鳴清晝無僧話夕陽斷碑餘字在捫讀一淒涼

惠敏字敬庵滿洲旗人有清籟閣詩草

題自畫山水

好山久不見如與故人違
追寫清宵夢深局破板扉意隨
流水遠神逐白雲飛
此地宜居我沙頭添釣磯

金良亨墨池滿洲旗人有歸卧集

同傅慕庵游萬壽寺

流水西郊路誰尋
淨域游我思偕賈島君意及湯休
山小行來曲松高坐處幽
斜陽說半偈紅葉寺門秋

聞雁

客裏挑鐙正苦吟
無端天外寄愁心
霜橫北地秋先老
月滿南樓夜已深
遠戍幾時吹畫角
孤村鎮日響清砧
未知爪迹留何處
雪後沙邊細細尋

查善和字用咸號東軒宛平人有東軒詩草

早春攜鶴兒出郊

疲馬羣裘出郭門，繞隄得得又前村。
官卑春草欺袍色，年長秋霜上鬢痕。
老僕攜茶行躑躅，稚兒索果語溫存。
繁華易惹青年恨，風雪荒寒黯客魂。

雨聲

輕陰細雨作新涼，點滴閒階引興長。
準擬明年北窗下，綠蕉斜種兩三行。

曹昕字暘谷號綺莊景州人有中田閒吟

同申仙居游安陵禪院贈月五上人

衙河迴岸午鐘沈，福地清幽試共尋。
一徑莓苔迎客淨，四時花木掩關深。
輕帆自幻風前影，逝水難留定後心。
欲向已公參半偈，蕭蕭松際已潮音。

春日雜感

渴鳥啄冰冰盡開
飛飛爭喚好春來
誰人爲憶孤山鶴
獨唳東風怨落梅

早暮惟聞鳥雀喧
小桃紅蒂已銜殘
庭前欲探春消息
二十四番風盡寒

趙思字五疇號補堂鹽山人諸生有嶠南集

餞郝坦中北歸

揮手送君去孤舟
一水輕野花分早暮
山氣辨陰晴別路
應呼酒殘春自聽鶯
布帆無恙在安穩
到高城

牛克敬字聚堂天津人諸生有眠雲山人詩藁

溪居

潺潺溪水繞柴扉
略與塵寰機事違
孤鶩自沈紅日遠
片

帆遙指白雲歸夏畦雨足閒農少野寺無僧晚磬稀只有
釣翁明月下十千沽酒錦鱗肥

官去矜字伯申高密人有守坡居士集

詩話伯申爲怡雲方伯爾勸子早從遠宦留滇黔最
久其弟度來嘗官嘉興同知伯申奉方伯就養禾中
故集中與錢文端唱和甚多

重過倪高士徵九池館淹留竟日時主人在西山未

歸

記來長坂被秋蘭風磴依然苔蘚癭傍母眠鳬沿略約將
雜語燕上闌干碧梧又驗三年閏青竹微增六月寒更愛
殷勤留客意一時檐溜作驚湍

余鵬字賓鳳厯城人

望江樓獨眺

萬里長江百尺樓遠天縹緲望中收煙邊曉市依山集雨
後春潮入郭流楚塞風濤千里壯秦淮金粉六朝留登臨
無限滄桑感滿目荒涼古石頭

李本樸字公度號幼李惠民人諸生有得朋樓詩

衢州經先文襄公故壘

故壘經行按舊圖功高耿鄧想宏謨長驅敢死三千士大
捷先書廿八都刀劍於今變牛犢穴巢終古絕狼貍後人
枉說書能讀愧煞龍鍾作腐儒

嚴州

芊綿春草合竹外發寒梅山勢依城轉江流抱郭開澹煙
羣鳥去微雨一帆來迴望嚴陵瀨清風滿釣臺

錢廷文字樸安號柳圃淮甯人貢生有柳圃集

寄醇民先生

茂樹有高枝清絃無細響素交見生平曾不爲標榜自我
與夫子幽巷通來往散髮坐茅亭信宿得心賞清梵激松
風禪寺鄰書幌主客共藜羹閔子過周黨尺素隔層城煙
月勞夢想嗟我倦游人十年在草莽書劍局高天壯軀空
慨慷何處豁塵心溪流曬漁網

移家就熙顯宅

頭白逢茲歲家貧少定居我行非得已天意竟何如曉日
空囊外秋風卧病餘不堪回眺處煙水滿寒墟

呂公溥字仁原號寸田河南新安人有寸田詩集

詩話呂氏自司農光祿二公以詩名松坪力園承之
寸田爲待孫子仰繩餘緒不懈而及於古足爲後勁

宿鐵門

烏鳥巢深枝游子走長路一鳴桃花開再鳴春山暮茅舍
多行客誰不樂歡聚夜短夢偏長夢裏還家去纔游何便
歸欲語聲吞吐窗外雞聲來天邊雁聲度雞喜報晨昏雁
飛知何處

楊維棟字山夫襄陵人諸生有在山吟

深秋

深秋白露垂涼風砭余肌布袍縫旋綻游子待授衣側聞
茅簷下夜窗理殘機癡夢歸鄉郡單身投柴扉飢寒呼父
母涕洟如嬰兒悲聲驚夢覺依稀有烏嘯

劉澣字澹齋臨汾人貢生有南園倡和集

偕友人登虎山觀音堆眺望

虎山春暝共攀躋飛步凌空下望迷城郭萬家無近遠煙

雲幾處互高低藐姑疑接神人蹟僧寺來尋舊日題安得
脫然游物外不教塵世日栖栖

賈澤洛字衡皋一字書原臨汾人監生有雲溪詩草

詩話書原家貧蕭然自得少從父宦游父歿鬻己屋
代兄償逋而賃廬以居縣令洪午塘聞其名造廬躬
訪與結詩社提倡
風雅學者宗之

平臺望雪和家東滄兄韻

平臺景物倏皚皚一片軍聲襲蔡回舞絮飛花千萬樹淺
斟低唱兩三杯關河歧徑人難覓村舍寒煙戶半開最是
詩人幽興極疲驢破帽出城來

秋山

絕巘飛雲葉回峯挂薜蘿日光寒照淺猿嘯夜聞多樵徑
沿溪入達門向晚過雞豚秋正美朝市興如何

秋原

驅車登隴首秋望興悠然禾黍分殘雨村墟淡野煙鐘聲
出古寺雁影下長天更欲尋摩詰猶堪畫輞川

擬陸放翁閒中富貴

限二冬韻

貪眠常是卧高春炊米無煩論釜鍾蘇陸詩篇新活計江
湖散客舊崇封在庭花草隨幽興出郭雲山仗短筇六十
已過七十近老翁豈合慕夔龍

朱瑤字崑英一字樂天汾陽人諸生有螢窗草堂詩集

靜坐

靜裏攤書坐幽然蓬島間松深眠鶴穩壁峭卧雲閒倚枕
聽流水開窗看遠山煙霞容我老塵念頓無關

秦知域字周叔號薇郎曲沃人諸生有薇郎集

蘆花

浪得花名久蕭蕭白鷺洲叢深緣近水幹弱易成秋明月
寒漁戶江風拂客舟無須歎搖落猶足代薪樵

姑射山訪神居洞

秀氣結壺口姑射闕仙境著屐訪神居絡繹延清景雨後
嵐欲滴積翠撩人冷松蔭接藤纏飛泉散碧嶺仙禽時一
聲寂寂四山靜半日幽閒趣頓覺浮生永鹿女還金闕蓮
花開玉井澄潭水一泓上下光耿耿杖策尋南洞肅將衣
裘整擬拜綽約子不見冰雪影斫芝更劬苓雲深隔幾頃
憩誦南華篇肩吾笑夙秉蕭蕭滿林秋日暮風濤警恐是
御龍歸悠然長引領

邢琳字景純咸甯人有芳茵園詩集

杜曲

杜曲回看十里霞
杏花村裏酒帘斜
漫誇尺五風流地
已屬城南處士家

毛啟鳳字鳴周狄道人諸生有愛菊堂詩草

春日

梅梢月上影重重
春暝貪眠意更慵
倚枕不知天漸曉
忽聞山寺數聲鐘

陳一策字爾忱晉江人諸生有香雪齋集

五夜

五夜入孤村
冒寒人語少
雞鳴兩三聲
殘月挂林表

訪友

草堂新築傍苔磯
城郭風塵到此稀
背閃夕陽雙鳥沒
屐

黏晴雪一僧歸石橋水色虛搖檻板屋梅花亂撲扉今日
似游人境外與君相對欲忘機

徐光義字俠君建甯人有宜壑詩鈔

與僧約游南山

老僧爲說南山勝笑指諸峯迴不羣會待秋高殘暑退芒
鞋同踏萬重雲

徐光美字西碩建甯人有隰荅詩鈔

題摩詰詩後

脫盡言筌應屬註一編酷愛輞川詩幽篁琴韻太清絕想
見深林月照時

陸曾蕃字用庶號蔗村錢塘人有蔗村遺藁

秋雨

積雨苔痕綠西風客舍寒疏花垂短砌溼鳥坐雕闌貧賤
依人老關山行路難感時空洗句愁絕鏡中看

劉文煒字青耜仁和人諸生

丁松生曰青耜性孤迥爲文奇崛排異不諧於時家
故豐後中落以授徒爲生計旣而患疴癯問疾者至
則於卧榻上談詩文尙妮
姚不倦卒年三十有八

秋日湖上

葦絲牽碧滿湖浮漠漠寒煙望裏收十里枯荷雙鷺雨兩
隄衰柳一蟬秋白雲鐘斷僧歸寺黃葉詩成客倚樓猶有
留人餘興在數聲短笛起漁舟

山樓除夕

一身秋蝶抱寒花卅載時光赴壑蛇樽酒鑒前都是客溪
山夢裏暫還家滴殘午漏闌年雨迎得春風半夜花寂寂

擁衾無穩睡靜聽窗外噪林鴉

柴才字次山錢塘人有百一山房集唐詩

詩話次山集唐詩凡三刻其子杰臨川繼之詩必有
序亦集唐人組織頗爲工緻搜羅之廣屬對之精不
逮唐堂香眉然橋先梓後亦自成一家言

山行

二月二十二

李商隱

乘興入幽棲

宋之問

靄靄浮元氣

劉公

依

依識故蹊

李端

方春平仲綠

沈佺期

終日子規啼

杜甫

路溼雲初

上

盧綸

巖高日易低

張子容

泉聲喧暗竹

皇甫冉

陂影墮晴霓

杜牧

無異登元圃

沈佺期

何煩過虎溪

李白

正堪流野日

處默

長愛覓

分題

李建勳

斗酒弗爲薄

李白

山茶又更攜

顏尚

游絲橫惹樹

盧照

鄰去燕旋遺泥

楊凝

斷石荒林外

張喬

千鐙花塔西

陸海

共知仙

女麗

馬戴

莫學阮郎迷

李拾

一路經行處

劉長卿

清風獨杖藜

杜甫

鄭炎原名源字清渠秀水人諸生有雪杖山人集

王惕前日山人詩出入於昌谷山奇請幻不可方物法
於生奧當其得意往往與狂山人山
人絕遠宜乎世之相與無愧也已
人亦庶幾克副其名而無愧也已
詩話清渠為誠齋贊善從兄時擇石穀原拓坡諸家
皆以辭必己出相尚清渠與同里間乃欲別開蹊徑
力求自異其偶感絕句有日恨不生逢李謫仙招呼
謝眺立山巔小窗亦有驚人句寄語知音莫浪傳
鐵度歲又經春看到梅花惱殺人血為他消耗盡
尚嫌筆上有纖塵蓋白道甘苦語詩後附其大父子
韶友陶居士集父不羣秦濤居士集
用山谷附伐檀晦庵附章齋例也

題老檜

樹頭亦有堪題處半在疏疏落落中今日畫成晴葉響不
關鳥踏不關風

惶恐灘

一刳文山淚溶成惶恐灘十年詩在口今夜月同看舊水

流新恨驚風激怒湍浪高二百丈不見石峯攢

常山旅次聞笛

誰家幽怨入新篁客枕酸聲夢苦長四月梅花何處落半隄楊柳此宵涼愁深直恐青山裂韻冷遙憐玉指香一自李暮偷譜後便隨鈴雨怨三郎

葉菁字咸山號幹亭錢塘人貢生有也園詩草

春思

百卉爭妍日陽和播鳥聲綠鋪階草輭翠貼沼荷平明月梨花夢春風楊柳情何人吹玉笛春思滿江城

蔡環黼字拱其又字澹無號漫叟德清人貢生官仙居

訓導有細萬齋集

詩話漫叟嘗應召試拜文綺之賜又嘗入都與千叟宴彭文勤督浙學漫叟試詞賦文勤一見擊節然終

不遇自題詩藁云詩卷深愁錦繡肝推敲未敢信吟
安人間不復存知己自倚寒窗掩淚看斂平生偃蹇
之悲而深後世蒼茫之託何其言之哀也

天聖寺壁管夫人畫竹

瑠璃寶地清于玉掩映檀欒數科竹乍道尋香薝蔔林忽
疑駐屐篋管谷聞昔名閨管道昇唱隨琴瑟住吳興匱中
翰藻文人似腕下丹青哲匠能玉湖晴彩流香陌鐘磬無
聲梵王宅鹿苑閒停金犢車龍宮新墜銀泥壁天女持花
散道場徘徊揄狄興逾長隨身自有珊瑚架侍婢還攜翡
翠牀淨土無塵更瑩拭寺中終歲無纖塵殿上額曰古無塵殿銅臺硯發淋
漓墨攘腕經時閣筆看錯刀葉葉生鮮碧東竿寫罷又西
筠雨籜風梢骨力均妙真兼勝蘇居士變化能無梅道人
貝樹祇林共終古一片蒼煙滿庭廡琅玕影外石玲瓏殘

瀋曾傳松雪補今古帷房第一傳
晶宮畢世足風流仲姬
應惜龍孫節寫向空門特地愁

洞霄宮

秋氣清可娛幽巖滌襟腑

薛應旂大滌山志此山清幽可洗滌塵心故曰大滌夕陽

催客行歸栖得洞府人意近上皇
山境入太古摘菜蘭蕙

叢翦筍琅玕隄世味不到山
芳蕪香徹釜涼月侵卧內擣

藥間禽語曾食仙鼎丹常年于此
處夜則鳴丁當晝乃晦

毛羽

此有搗藥鳥其鳴聲曰吉丁當晝夜鳴樹間晝不可見相傳食仙鼎餘粒者也

彷彿青雲人

文采不自詡忽焉谷風號如潮湧
江浦窗櫺影動搖知有

林中虎云昔晉郭文乘騎不相忤
不同城市中見者羅患

苦俄聽金竹坪曙色聲鐘鼓起尋
無骨簪微霜白平圃吾

願此終焉不必鸞鶴伍何爲山中
人翻思游遠所

維宋設宮觀有使有提舉其制雖戾經養賢豐祿糈所以
殿閣臣引疾自華廡南渡建炎中內祠比京府洞霄典物
隆主者皆宰輔牧心作志書惜未僂指數後遂弗深考漫
列朱子主校官祀春秋徒然薦籩俎遺獻竟久湮靡文此
進俯往者竹垞翁繙史詳爲譜姓名及爵里因年分次序
百一十四人厯厯可披簿其中多名流遺徽映巖戶應據
曝書亭作爲鄧志補否且鋟諸木懸諸兩庭廡庶幾垂不
刊來者目共睹毋虛道院游於是可道古

錢源來字清許號槐庭嘉善人諸生有攬雲軒詩鈔

詩話槐庭生秉異資家富藏書終歲鏤戶手一編不
輟沈歸愚謂其詩取材淹雅一歸繩墨融融樂易煥
然如春蓋詩品中之正者顧拙於書而書甚速終食
頃可萬字搓枵糾結倉卒不辨楷書亦多不可識或
諷之稍緩俾可辨晰槐庭
曰我腕有鬼不能休息也

山房聽琴

不識琴中音但愛琴中趣古曲盪煩聲元音淡塵慮山房
春寂寥曲澗寒泉注泠泠水石間幽人自相語

訪梅道人塔步陳燭門師韻

賣卜胥塘便作家至今高致拂雲霞詩傳畫裏千竿竹易
在枝頭數點花煙老秋庭籠古橡雨添春水薦新茶徘徊
不覺寒林晚獨對西風數暮鴉

浦鏗字金堂一字聲之號秋稼嘉善人諸生有清建閣
集

詩話秋稼好古窮經不應鄉舉著十三經注疏正訛
閱十二年而成得八十一卷見者稱其兼綜條貫抉
微糾繆功不在陸德明下沈叔元錄副藏之又著雙
聲疊韻譜曾示其友周篋谷旋攜所著入都假館
紀文達家文達爲入粟作國子生使應京兆試一夕
赴友人飲大醉跳舞作獅子吼卧於地座客大笑久

之無聲若熟睡者視之則已惛然化
去迨旅櫬南歸襆被之外無所有矣
同董愚溪探梅鄧尉夜宿萬峯禪院

艤舟虎山橋探梅入鄧尉綠疇如掌平相攜踏寒翠野水
略約橫古柏羅陰隘龍鬬與蚪翔險怪非人意平臺何岩
岩煙煨迷花氣如入眾香國令我心神醉迤邐復前行林
蘿轉蔽翳長風振喬柯泠泠淨襟袂殿角露山腰卽之路
轉昧僧雛出翠微引入山中寺晚飯飽嘉蔬軒窗豁遠眚
曠望極高深鬱泱蕩胸次嗒焉我喪我塵心了無自禪榻
茶話清松月照無寐

登東山

東山古名勝飛策上雲關碧蘚揉紅雨青蘿擁翠環峯陰
春木潤日落晚山殷屐齒曾游處風流許共攀

吳煥文字樸存一字樸庭浙江山陰人諸生有樸庭詩
橐

投壺歌

珍珠紅滴銀絲落當簾細雨紛簾箔主人無語客慙歡哨
壺枉矢相爲樂司射進度前致詞二矢以半實間之順投
爲入比不釋從馬釋算無差池平空矢落琤琤響四座無
爭齊拍掌計籌浮白安足辭勝固爲歡敗亦爽倚竿帶劍
真騰超就中尤妙蓮花驍殿上舍人善激越軍中名將能
逍遙古人尙德不尙巧射禮投壺本同調專精一技通神
明天帝開顏亦爲笑彈碁公子妙角巾蹴鞠之戲徒勞人
魯鼓薛鼓詩可補咽咽催出壺中春

徐青藤舊宅

古藤高百尺曠世憶初栽著土皆奇幹斯人本逸才龍蛇
居粉壁風雨養蒼苔彷彿臨江宅誅茅動客哀

曲陽孫晴崖明府掘地得晉王李克用手書安天廟
題名碑

陰風撼樹飄靈旗山鬼吹火燒叢祠沙觜崩塌露圭角榮
光下閃埋豐碑孫君嗜古負奇癖倚撫金石靡孑遺石鼓
遙辨趯趯字金薤高螭窺軋詞栽花曲陽有餘暇命工掘
地乃得之剋泥剔蘚見古刻傳自唐末僖宗時隴西郡王
忠且勇中山告急親援師道經神廟躬禱饗凱旋賽神神
格思司空偕行名忝附大書勒石盤蛟螭歐九作紀軼此
事不學合受原父嗤有唐晚葉事百戰文人失職悲流離
鷗張鯨突鳳凰死文筆亦復歸鷗兒昭陵玉匣那可得韓

陵片石逾瓊瑰依稀顏筋并柳骨孫君寶此勿復疑嗚呼
孫君寶此勿復疑屹立直退千熊羆

廬山白衣洞謁朱子祠

南渡儒林傳先生第一人空山尙祠宇衆口枉緇磷紅鶴
有時去青松終古春匡廬初識面惟覺此間真

過安肅有感

商盤曰邑爲樸
庭尊甫舊治

鴻泥覓徧總微茫如夢如癡柳數行一夜城烏頭易白將
雛飛過浣衣塘

劉文蔚字伊重又字豹君號枏亭浙江山陰人貢生有
石颿山人詩集

題萬里壯游圖爲吳九洛宗作

人生底合家鄉住苦恨年年事章句閉門但作候蟲吟東

身已受書城錮千古英雄重壯游萬里關河倏來去挂席
方乘赤鯉風跨鞍直達黃龍戍偉業多從騾褭成壯懷那
怕支祁怒濮陽公子真人豪胸中兵甲饒戎韜騰崖越壘
望滄海已覺談笑無連鰲雪花撲面大於掌同雲黯黯連
洪濤獠奴走逐寒起粟游興轉共冰山高嗚呼人生貴適
意安能瑟縮同鱗鱗燕公詩得江山助坡老文從海外超
手持一編窘跬步何如六幕窮周遭披圖我亦思遐舉擬
負長劍同游遨

感舊

最難忘處粵王臺榕樹陰中一棹迴鱣浪白浮番舶遠佛
桑紅壓戍樓開天涯豈爲探奇到海角原非採藥來曾記
西靈官閣下數枝茉莉手親栽

張綦毋字大可號潛齋平陽人貢生有潛齋詩鈔

秋日雜感

夜長不能寐起坐天未明衆星何厯厯月落參半橫涼風
颯然至撼撼墮葉聲喟然發長歎竚立以屏營感此時序
變慨與憂內并念我蒲柳姿豈任霜露更滄海無回波晝
日易西傾人生苦役役白首俄已成空懷千載上但蘄後
世名

平原極目望木落霜天高四山獵火紅百獸爭竄逃短後
馳駿馬射虎南山坳雕弓掣電開矢發如風焱狐兔盡何
益無爲多殺燒取彼中山狼歸來充我庖

宋景闕字今郿號話桑平湖人貢生有桑阿吟

曉發

曉發城猶閉停橈待啟門稍聞煙際語不辨渡頭村露重
蟹初咽星稀鵲欲翻須臾魚鑰動銜尾劃波痕

魏舒字更生桐鄉人

詩話更生幼爲僧名苻芳縣有丞攝令性豁刻縣民
訴於臺省丞疑贖出苻芳手假他事逮下獄欲置之
死雲亭大令舒瞻來代見苻芳獄中題詩丞釋之而
丞憾未已雲亭令返初服乃名曰舒志雲亭德也徙
居石門未幾卽卒

感事

乍解軍持別梵王臨歧心事祇淒涼冠巾重上先人冢衣
鉢分傳弟子行舊剎風幡留半偈寒鐙夜雨夢連牀從今
更作青蓮喻雖在淤泥亦自香

沙門高士兩難爭太息千秋論未平妙總恰爲文字累寂
音偏受黨人名酒醒旅館離初地吟繞空牀雜梵聲我是

懶殘方墮此十年宰相識平生

樓鐫字于湘錢塘人有于湘遺橐

支硎山

天平折而西數里得支硎支公有遺跡於此緡金經雲鶴
不可呼空復名其亭幽澗吼瀑泉白日陰泠泠如鼓朱絲
桐一聽心一清復上此山頂盤盤青螺形竹徑凡幾轉交
翠延幽情吳中盛游覽車馬喧春晴伊予今始來能無笑
山靈

將渡太湖石公山僧來迓

欲問靈威洞煙波隔幾重偶遲孤櫂去先與老僧逢兩後
朱櫻熟山中綠樹濃明朝寺樓宿同聽一聲鐘

登雙峯閣得磬字

絕頂構飛甍遠攬大江勝振策同攀躋放眼發高興海上
羣峯趨中流寒日瑩俯覺四天空時見一帆正冷翠溼衣
裾叢竹翳苔徑紆回捫煙蘿杳杳落山磬

姜宸熙字檢芝號笠堂烏程人諸生有陵陽山人集

眞州

曙色霽遙浦片帆衝曉行疏鐙明驛火殘雨亂雞聲綠樹
眞州道青山建業城渡江空擊楫搔首歎勞生

秣陵道中

浪跡非吾願遠游思黯然偶隨瓜步雨獨上秣陵船畫角
吹殘戍飢鳥噪野田江鄉春已盡處處柳如煙

寄別王岡齡

樺燭燒殘漏斷更江亭惜別酒重傾月斜野浦潮初落鐘

動寒城客早行百里雲山愁遠隔三秋書札悵離情迂村
老病青樓死槃敦何人念舊盟

張世昌字振西平湖人諸生有數坡詩鈔

詩話振西性孝友學詩於曹慈山與弟世仁香谷詩鈔合刻題曰對牀吟

題顧野王讀書處

水月灣西一徑深舊來書堵杳難尋蒹葭含雨自清影蟋
蟀悲秋空好音信矣文章千古事懷哉鐙火十年心華亭
遺跡依然在何日扁舟訪寶林

懷海昌施定庵范西屏

少日愛賭棋棋友集如霰就中交孰深施范並云善敘地
接郊祁論年同角卅始喜跡相親久覺情相眷自我奕興
疏致彼來意倦范君客金陵卅載不一面施君賦遠游夙

約竟忘踐回憶對壘時環聚皆俊彥真摯舒性情嘲笑廣
聞見那得重相會一杯看酣戰

張世仁字元若平湖人諸生有香谷詩鈔

驚雁行

書帷夜靜寒慄冽坐對銀釭手披閱忽聞屋角流奇響恍
若狂飈摧敗葉又如人馬驟奔騰疾走銜枚赴驕敵我驚
倒屣出庭戶仰視霜空意難測回頭呼童問何物云是驚
鴻方過翼羣飛千百亂橫陣勁翻翻風蔽天黑我聞其聲
已太息又聞此語重悽惻君不見瀟湘雲夢無人獵閒宿
蘆花伴明月胡然遽投塵世棲星夜倉惶避繒弋吁嗟乎
雌雄離散安可戀我獨感之淚如霰

學草書偶成

草聖吾家事臨池偶作行但能工點黠兼取露鋒鏖似矢
纔離弩如錐早處囊莫教拈秃管抵死效鍾王

王德溥字容大一字澹和錢塘人貢生有寶日軒詩集

詩話容大父馭陶年躋耄臺闢養素園以娛老舊爲
金氏友莊庵有十景之目一時名流歌詠最富今寶
日軒集後附存詩四卷齊次風諸家序之皆爲養素
園作幾類於玉山雅集其無專集者亦得藉存一二
爲足
重也

過高士鳴弔太白山人卽用其卜居南屏韻

幾度峯頭對暮曛幽尋不憚往來頻爲披榛莽求遺跡獨
向煙霞弔隱人漫稟至今傳逸調深林在昔著閒身遙遙
千古誰爲侶冲晦先生可結鄰

詭跡早離塵壚外甯須白眼向人斜王孫或訝輕捐國雪
水何妨重有家杖屨半生周海嶽冠裳滿目送京華知兵

曉吏奚煩試廣識宏才正未涯

萍蹤長寄白雲隈
太白山前斲藥來
時發清謳還扣石
但逢勝地便銜杯
鶴瓢龍笛依形影
白紵元巾獨往回
晝寢不知門外客
春深一徑長莓苔

羽化登仙聞有術
詩成幽邃見還稀
山前無復輪田種
林下何緣看鶴飛
寂寞荒坡澆酒盞
淒迷寒霧襲人衣
西湖從爾稱高士
十里南屏念所依

看山樓對雨

暑氣全憑急雨收
望中景物接天浮
山含鱗甲迷千樹
風吼熊羆撼一樓
土潤不愁龜兆坼
池翻更愛縠紋稠
生涯自愧多慵放
欲荷蓑衣向隴頭

落鐙後里人競勝復增一夜有作

人情苦貪不知止五夜踏鐙興未已貧家一棧幾躊躇太
倉粒粟漫相擬宋朝業請增上元錢氏買添見野史笙歌
合沓既盡歡星月輝光儘堪喜好樂無荒憶古風極盛難
繼鑒物理長官方且訓勤儉下里胡爲競奢侈欲作長鐙
錄鄙詞敬告高人定弗訾

施學韓字禮齋號石泉仁和人諸生有南湖草堂詩集
石門道中

漁唱依稀過野塘炊煙四起入蒼茫一枝柔艣水天闊滿
港蘆花客夢長何處孤村無好酒卻留明月送還鄉明朝
小泊臨平路渴就山泉細細嘗

丁維時字馭青號拙漁嘉善人諸生有拙漁詩存

詩話馭青藏書極富丹鉛不去手頗似吳兔牀陳仲
魚一輩人書畫篆刻亦絕工雅惜不多見乾隆丁丑

高宗南巡馭青儲兄伯長
獻賦行在時有雙丁之目

柳洲種柳歌

柳洲亭畔去來波浴鷺眠鷗戲水多分外今年新漲綠參
差萬縷映漁蓑

自眠自起影鬢鬢彷彿靈和殿外看莫使行人肆攀折春
風留取護吟鞍

陸建字湄君錢塘人諸生有湄君詩集

送周新之先生之岳州

去年絳帳待論文此日離筵酒又醺半觴茶煙吟楚客一
祠花竹拜淵君布帆細雨春江別玉笛殘梅漢水聞月下
有人愁鼓瑟龍門遙隔洞庭雲

同紅豆村人南歸舟中卽事

作客誰憐我同船尚有君樹深村落隱月上櫓歌聞古塔
橫煙迴秋燈隔岸分布帆風送穩吟過越江雲

爲滑濟川書樂工扇

隋隄漠漠柳千條回首吳歛冷碧簫橫觸蘇臺舊風景有
人重唱雨瀟瀟

短笛橫窗夜月清木蘭雙楫水雲輕溪邊花落鶯聲老恰
愛何堪到渭城

張雲錦字龍威號鐵珊又號藝舫平湖人有蘭玉堂集
葉迎坡陸紆齋鮑咸吉諸君招集南莊探梅

一棹荒寒路幾經殷勤梅信報園丁人來淺水綠邊花
間夕陽紅處亭昔酒香仍消酩酊春懷淡欲入空冥試鐙
節後應前放待折橫枝向膽瓶

世目余詩卷之二十一
蔡忠立字企閫秀水人諸生有蓀完齋小橐

田家

白日湖上沒眾山遠蒼蒼老農挈稚子出戶望牛羊孤煙
起暮田寒月下枯桑負擔秔稻歸言笑傾壺觴

送吳湄

黃葉聲中上小樓故人風雨下歸舟尊前草木江天晚筆
下雲山海國秋吳善畫山水誰識吹簫行市上遙憐擊楫在中
流到家正值登高節回首靈巖落日浮

汪大經字書年號秋白嘉興人諸生有借秋山居詩鈔
古華以桃核石索題石爲阮湘圃封公所貽

竊而食之方朔桃桃核紛向雲中拋鏗然墮地化爲石淮
上仙翁初拾得傳觀一座人咸驚無人識是衡星精小石

果蓏良取義石不能言以形示磊落中含玉液溫仙翁寶
更逾瑤琨何時瑩然入君手好向西池奉阿母君先繪有
丹荔圖合成雙壁圖不孤只恐驪龍夜破夢錯認遺珠爪
攫弄題箋我亦思好春桃葉桃根半化塵幻想此核種儻
活勞君呪以生花筆

曉雨坐雲林方丈

一夜不成寐上方鐘又聞氣蒸叢薄雨寒壓亂山雲曉色
侵眉冷秋聲到耳分何妨學彌勒禪飲坐微醺

何經愉字樂天浙江山陰人諸生有停雲軒古詩鈔

詩話樂天年四十棄舉子業專肆力於詩久客中州
主講周南書院二十年遂家焉子綸錦述其父命曰
吾老且病不復能自定詩藁杜陵云詩是吾家事我
以此付汝矣近體不必存但爲我存五七古數十首
古人一篇一句可以不朽甯使人恨其少無使人厭其多也今僅存古體一卷

長歌行

二曜走堂堂羣動趨擾擾
萌卯迄歸根紛紜角智巧
瑤池葬王母仙姿亦枯槁
螭蛄哭喬松徒自傷懷抱
荒邱聚腐骨誰爲問壽夭
志士重修能抽心似春草
何以垂不朽立身貴及早
光陰無處買泉刀曷足寶
銅龍逐金雞錯迭催昏曉
海島遇彭聃鬚眉霎時老

釣竿歌

良人在何許言釣河之湄
望涯不可渡浩渺令心悲
持竿出門去枯楊未生稊
飛絮今如雪寂寞愆歸期
郎作釣魚竿妾作釣魚絲
不逐悲風斷長得相提攜
郎作釣魚絲妾作釣魚鉤
不隨流水沒長得相沈浮
沈浮兩不見歌殘淚如霰

平臺雪

高卧舊梁園風流歎歇絕不見古時人但見古時雪今人孰與古人齊古雪何如今雪潔平臺一凸千年痕冷豔寒光耿未滅萬斛珠璣飛碧空清冷池邊墨浪熱南冠有客悲華顛吹上頭顱不可刷一曲陽春和者稀山聳吟肩凍欲折虛窗瞥見梅花魂五夜遙情爲誰結

李旦華字憲吉號厚齋嘉興人優貢有青蓮館詩草

詩話厚齋秋錦四世孫淹貫經史乾隆丁丑壬午兩應召試未遇卒時年未盈三十

香泉暫游宛鄧作詩送之

宛鄧東西路朝來匹馬行名都唐節鎮佳麗漢陪京蒼莽尋山意遲迴弔古情經過平子宅醉墨定縱橫

得范松亭嶺外書卻寄

迢遞行踪逐斷蓬與君溝水各西東
夢遙衡嶽唳猿外書到山城細雨中
別後又看春草碧宵來喜見燭花紅
江淮溼霧連朝暮苦憶蠻天滯郝隆

鄧裴字又楷號東湖江西新城人

呈邑令辭博學鴻詞之命

臄腹相需本不多衡門兩板帶溪河
楚人服食優蘭菊山鬼衣裳秀薜蘿
滿壁煙霞游嶽記百年寤寐考槃歌
廟堂不少夔龍佐敢與清時補澗阿

張舟字廉船鉛山人

游靈巖弔畢秋帆先生

仙館華陽絕探尋海山兜率信俱沈
長埋但惜人如玉不樹甯愁校摸金
北海尊曷思舊淚西華衣帔恤孤心
懸知

墓草經年宿猶自臨風慟不禁

叢桂秋風起澗阿武昌隄柳幾婆娑老耽聲妓新歡少死
戀湖山故國多幾樹冬青歸自在一場春夢醒如何賣珠
婢老天寒晚破屋長憐補薜蘿

劉士俊字儼若號鷗村臨川人有鷗村集

客樓閒望

枯藤短髮此經過目極高樓喚奈何遠嶺日斜孤塔迢遙
天瘴起百蠻多木棉花賤村姑樂蘆管聲寒牧豎歌太息
南中章句客吟壇無處問橫戈

鄧公子龍遺
集名橫戈

謝本量字尙容號退庵南豐人

秋塞

雁歸不少待秋氣滿關山今夜悲涼月照人生死顏黃沙

騎戰馬白露溼刀環何日樓蘭斬將軍命賜還

秋閨

桃花紅爛漫是妾送行時今夜閨中月照儂別後思秋聲
邊露白雁盡塞衣遲非作征人婦此情良不知

李能哲字惠伯號無隱漢陽人有心遠堂詩鈔夢隱詩
藁

和陳今山見訪韻

故人似春色新歲到山家一笑坐拈酒滿園行看花別來
多舊好老去更天涯且喜詩情健同吟對落霞

胡本棨字赤韜號伯子廣濟人諸生有研北草堂詩鈔
岸如樓詩鈔

湖莊春望

望入平皋路風光面面分山背前日雨樹綠滿湖雲僧梵
隨雲落漁歌隔水聞爲沽一壺酒爛醉倚斜曛

孫照字育萬號石樓漢陽人有石樓詩鈔

潯川逢張秋崖丈自蜀歸

他鄉頻見雁旅夜忽逢君鬢染栽眉雪衣霑劍閣雲風塵
誰息駕井邑尙從軍迢遞潯川路秋聲不可聞

題亡友韓二鶴秋柳小幀

不關搖落亦銷魂幾縷殘煙是墨痕剩有冷吟閒醉處暮
鴉零亂夕陽村

漢關曉發

帆影敲斜樹影圓遠山一角點蒼煙關河曉月涼如水無
數蓼花紅到船

張九齡字平圃湘潭人有寄園詩鈔

移居詩

步來城一角，渾似陟山尖。
近舍開花圃，比鄰挂酒帘。
高軒難枉過，野老至無嫌。
雀噪知何事，家人喜妄占。

莫笑耽吟苦，恩恩唱渭城。
簞瓢容陋巷，金石出歌聲。
有事拋家計，耘人待歲成。
窮鄉謀薄食，終羨是躬耕。

廖國恩字羣普號沐堂安化人諸生

春雨晚晴

好雨初過後，林泉景最賒。
綠添沿岸柳，紅放隔牆花。
深樹時聞鳥，方塘未斷蛙。
杖藜頻徙倚，山外夕陽斜。

閏九月偕同人登辰山

攜將筆墨作行裝，乘興飄然到上方。
置閏幾經逢九月，登

高方不負重陽泉鳴萬壑添岑寂雲起諸峯接混茫最好
山僧沽酒至頽然共醉菊花觴

羅天閭字開九別字雲皋湘潭人諸生有西塘草

詩話雲皋蚤歲棄舉業與族兄浮族子紹熊講學於西塘以道義相切磨淹貫羣史喜談周易均有著述尤好爲詩族兄鴻臚卿典歸主麓山講院名重一時獨推敬雲皋雲皋嘗游麓山鴻臚選諸生能詩者數十人迎之湘岸雲皋衣冠樸素人或輕之及見唱和數日成詩二百餘首始大歎服其詩品在陶韋之間

夏夜呈向賓門先生

皓月出林表長空星欲稀白雲凝綠樹翠葉增清輝四山
蟲語亂棲鳥時復飛愛此不能寐撫琴爲一揮但患古調
難豈患知音稀花下三弄餘相對共忘機願言長契洽莫
使寸心違

夏日喜靜山諸君過我留飲賦此

山居卧病苦炎氛諸君過我何殷勤臨江冒暑呼船渡衝
破山前如火雲我聞靜山佳致地窈窕幽邃真無比久欲
登臨奈病何曾有新詩倩人寄自是悠然得我心西塘之
畔勞相尋入門不敘尋常語便指南軒東壁琴琴鳴三歎
還五噫羽急宮緩知不知貧家客至無佳奉雞黍盤餐酒
一卮知己相逢好放懷馮公郭子記重來阿咸過我不知
數約醉林竹已三回惟有皇敷與建中去年一別各西東
暮雲春樹窗前月一段相思幾處同同來聚首坐茅屋好
看門前松與竹二物從來不改常交情得此亦云足

春日寄懷晚香山人

雁書潦草不可識目斷天涯長歎息術士今無縮地功春
山愁煞芝蘭色夢魂昨夜坐君旁花裏尋詩字字香鄰雞

不合聲三喔只賸幽輝冷半牀

吳登鴻字笠樵長沙人諸生有原上草

題唐友山畫冊

煙雲供養別有靈五岳遊戲生光晶右丞不作華亭死南
宗至竟無丹青唐子友山吾昆季偉然天廟瑚璉器當窗
清啜子經腴拂素癖領湖山趣是日華氈羅衆賓看君意
若旁無人袒臂含毫久未下匹練忽破青蒼痕白雲縷縷
縈晴竇萬壑千巖爭聳秀須臾擲筆風雨來潤入紙背生
蒼苔有時陰嶺浮積雪玉樓起粟銀瓶結有時大塊揚颺
風樛枝傾倒懸巖裂枯松蜿蜒見虯龍臍瘦竹真成鐵鉤鎖
由來繪意非繪形一日十紙無不可憶昔南走包山麓朝
朝舐硯雲光曲慙無妙筆下雙腕空貯粉本盈千軸只今

展卷睨新裁野人疏爽心顏諧左手拄頤右畫肚怳怳清
夢依雲隈嗚呼唐子技至此南宗嫡派予惟爾願掃驚溪
千尺水坐我寒雲深樹裏

重寄彭蘭沼

五幅花箋碧間紅題詩遙問浣花翁湘江一棹黃梅雨遲
汝旗亭畫壁中

寄黃心盦

一年春事恨平分小撥鑪香換夕熏天爲釀花長作雨山
因入嶽易生雲愁傾夢裏紅梁醞苦憶尊前白練裙湘上
幾回南雁過好詒風月續新聞

題周曉村觀海圖

紫霧龍宮翠蓬神
闕二圖朱君璧作

翠蓬紫霧杳冥間孤嶼成連去未還我有布帆三百幅待

君同上巉谿山

得唐友山訃音

先生畫與虎兒齊
橐筆時來喚我題
皓首不知身落魄
高歌每到日沈西
纔看扇上成烏牂
幾向輿中遇白雞
春水桃花新解纜
家家屏障手親攜

疊韻酬尹莘農

除卻鉤衣草不栽
任憑濃綠障飛埃
湖山秀發珠簾捲
絲管啁啾畫舫開
儘有奇書堪縱目
未妨仙侶共銜杯
四天風緊寒侵袂
貪過溪橋看早梅

吳炯字秋陽號睡庵武陵人有古香園詩草

詩話秋陽工詩善畫其兄官邵陵守備往依之日與酒人游歌呼過市嘗與友泛舟誤落水衆驚救秋陽從容冒水出曰方從三閭大夫游樂甚諸君能嘗試否舟人皆大笑老病無子年近九十乃卒

黃鶴樓

黃鶴樓頭秋日陰客中扶病強登臨東南野色分吳楚江
漢濤聲自古今澤國秋高紅葉少鄉關天遠白雲深仙人
玉笛無消息但聽蕭蕭萬戶砧

崔宏楸字竹筠常甯人諸生有竹筠詩集

顏嶺

夕暉生寂寞返景入幽林歸鳥有時下孤雲相與深尙知
蒙谷外猶照古潭心莫怪餘光落冰輪已滿岑

江村夜

微風沙磧岸小雪暮江天犬卧當籬月人呼隔水煙松門
沽市酒荻火打魚船寥次情無限余心亦浩然

王敬禧字孝承一字南陔號春墅武陵人諸生有詩教

堂集

月夜泊朱州聽度曲感賦

煙暝急羈雌清歌正起遲湘江不流處山月乍明時遠道
攀芳草逢場和竹枝獨憐聲半咽哀怨爾何爲

西風

關河勞夢寐誰遣夕中生月色不離地山寒盡入城籟虛
蛩答響秋老雁無聲處處皆長道徒看白露盈

陳士杜字鶴皋長沙人有雨花山房詩鈔

詩話鶴皋與兄蒼山士松稱詩湖湘間蒼山年三十始附學官弟子籍鶴皋終其身阮童子試未青一矜困路視蒼山又過之從弟每田編修士雅序蒼山詩爲授劄牘鶴皋詩有性靈鄧湘皋稱其尤工古體

城西晚眺

日暮臨高堞江城返照中暝煙生遠岫秋水送孤篷岸迴

蘆花白林疏柿葉紅晚山鐘磬發惆悵下西風

許儒龍字水南成都人有岷南集

到岸

到岸停征櫂漁村正晚晴一舟橫野色百聽廢灘聲
暝覺空江易愁綠獨客生臘殘游道路飄泊恥身輕

登城野望

獨立山城上闌干對落暉霞邊雙鳥沒草際一僧歸
古堞綠蒼藹芳茨入翠微南風吹四月處處楝花飛

白鑾江抱疴夜坐

柳外蘆邊一水清篷窗乍啟接高城風吹靜夜魚龍氣
痕打荒洲雁鶩聲客裏光陰客寂寞病中情緒未分明
柁樓鐙影人危坐霜氣侵衣夢不成

初秋

月光小院清於水人坐空齋淡似僧
貪得夜涼窗不掩秋蟲飛上讀書鐙

晚晴簃詩匯卷八十七終

晚晴簃詩匯卷八十八目錄

彭元瑞 五首

蔣士銓 二十七首

蔡以臺 二首

薛宁廷 十一首

魏大文 三首

李翊 一首

李漱芳 一首

曹錫寶 十首

戴文燈 十首

汪新 三首

程大中 四首

解秉智 一首

阮芝生 二首

周嘉猷 一首

虔禮寶 三首

孫永清 三首

張銘 二首

彭紹升 五首

王鳳文 一首

張遠覽 五首

韓夢周 四首

張邦伸 三首

李肇源

一首

黃紹統

一首

邵自華

一首

吳顥

四首

何明禮

一首

吳瑄

一首

邊嚮禧

一首

晚晴簃詩匯卷八十八

徐世昌

彭元瑞字掌仍一字輯五號雲楣南昌人乾隆丁丑進士改庶吉士授編修官至工部尙書協辦大學士贈太子太保諡文勤有恩餘堂彙

詩話文勤才思敏捷久直南齋應奉文字婉麗清新高宗日必有詩羣臣廣和多數其體格文勤往往進以華藻每有奏進未嘗不稱善也

趙北口鐙詞

繞淀長隄柳色蘇初張黃幄奉宸娛團圓月照冰池上萬頃玻璃一顆珠

蛺蝶膏鶴燄百枝然元夜真成不夜天野老路旁咸額祝至尊親奉壽觴前

簪筆星廬夜景清
易京有路近瑤京
侍臣仗外重聯句
天子揮毫頃刻成

輦旁前日見郊臺
憶昨籌邊羽檄開
一樣離宮鐙月宴
年班攜得遠人來

題北宋石經周禮殘本

赤腳仙人下當宁
韓范富歐名世輔
是時海寓久又安
文治張皇垂掌故
寫經鐫石立汴都
判者宋祁後王洙
下邳草澤上皇姪
趙楊張謝章泉胡
一行小篆一行隸
貴以古文存古意
點畫猶講說文書
體裁不襲經生字
豈意于今六百年
十二版耳僅流傳
小長蘆叟秀野氏
二三策未見周官
法帖譜系蘭亭考
好事羶薌競搜討
書家但解八法工
俗學安知六經寶
一從大盜壅洪流
難向黃河沙底求

獨怪當年刻甫畢便行新法廢春秋

蔣士銓字心餘一字茗生號清容鉛山人乾隆丁丑進

士改庶吉士授編修有忠雅堂集

詩話心餘早年作詩好作闊大語奇險語殆鑒於鮑
愚詩派之流失力矯平易遂得才名然以古人之大
言奇喻入詩實當時習氣究之刻意冥搜徒著述象
何嘗能開大能奇險耶若其至性至情隨時流露學
力遂密諸體皆工固非後來舒王可比亦出同時袁
趙之上蓋雖肆才氣仍有節制也王蘭泉作墓志謂
君自古文辭及填詞度曲無所不工而最擅場者莫
如詩當其搖筆擲簡意緒獨發如雷奮地如風挾土
如熊咆虎吼鯨魚吐菴山負
海涵莫可窮詰其推許如此

金山

空青縣萬仞雪浪齧孤根元氣留江影天光縮漲痕魚龍
陰拜舞巖壑怒崩奔向晚千帆沒蒼茫海氣昏

浮洲寺

倒景開平湖淺漲落沙步一徑入空翠亂石出新路深林
蓄微涼修竹莽迴互虛亭上暝色波光動秋樹雲氣蒼茫
生漁艇晚煙赴不見伴鷗人輕舟自來去

湖上晚歸

溼雲鴉背重野寺出新晴敗葉存秋氣寒鐘過雨聲半檐
羣鳥入深樹一燈明獵獵西風勁湖心月乍生

遠游

初日照林莽積靄生庭闈長跪拜慈母有淚不敢垂連年
客道路兒生未遠離力學既苦晚可復無常師負笈出門
去白日東西馳遠游幸有方母心母念之兒食有齋粥母
母念兒飢兒服有敝裘母母念兒衣倚闥勿盼望歲莫兒
當歸俯首聽兒言丁甯語兒知小妹不解事視母爲笑嘯

新婦亦善愁含淚無言詞繁憂未能語匪但離別悲父車
既已駕我行復遲遲豈無寸草心珍重三春暉仰看林間
鳥繞樹啞啞飛

神山有威鳳萬里求其凰十載未能遇翩然歸故鄉邂逅
梧桐陰錦翼同翱翔羽毛耀文采顧盼生輝光竹實旣云
美天運亦復昌安能老丹穴而不思明堂天風吹紅雲靈
匹此分張豈不念棲息何以酬文章一飛儀虞廷再飛鳴
岐陽振羽還神山比翼游扶桑拙哉共命鳥委曲蓬蒿旁
曉過峽江縣

溼翠四圍滴空明百轉青山懸江出峽縣仄嶺穿城曉色
千家靜樵風一棹輕高樓未能上回首樹煙平

歲暮到家

愛子心無盡歸家喜及辰寒衣鍼綫密家信墨痕新見面
憐清瘦呼兒問苦辛低回愧人子不敢歎風塵

哭楊子載

與子三年別歸來哭寢門遺孤不解痛老母獨招魂壓衆
才無敵成仙位自尊墓碑書選士窮死亦君恩
九歲負才名詩成牧伯驚天教將門子來作魯諸生我亦
今詞客歸棲古灌城十年兄弟友如此對銘旌

舟中讀書

束書厚疆圉自固恐自陷心兵失銛鋸何藥與淬蘸十載
伏髹几剝處澤可鑑兩袖月補綴布褐色爲儉銳力辟志
猛強識得天欠饑夫胃脾弱嘔噓負咀噉齒牙甯不鑿胸
腹卒難饜精氣困迷謬智慧墜昏墊終歲無逸獲手眼役

頗厭去之日悠悠此身殊泛泛吾師新安叟

檜門先生

相啖獨

醇醪坐我艤臃舟目送覓觴濫久別俟新異再見或播擻
詎謂歲月改憂虞計罍甌闕燂成坐廢謀食類愚暗學道
我所欲救死恐莫瞻寒餓疾已痼日待斗石殫及茲春糶
靡而乃挂江帆得朋丐資斧欲吐口喁噉所識半窮乏不
免詫鬼瞰世路未可測光景詎能纔執理不勝欲倏忽營
兩念納睛入胸膈反目自鞠勘可憐文字腹呀然告虛歉
飢腸時一鳴苦心倏藏斂以茲焚臙府奚待竈木栢所嗟
肝與膽雪亮一古劍本無機械巧不畏穿窬膽對書識彌
曠當仁意稍僭浩然敵外鑠自得足隱驗灘渦移舊痕岸
樹圻新豔及時彼誠能流囑我亦暫觀物拾奇悟識字增
默讖繹夫曳舟上去波有餘憾行當悃圖史朗誦越天塹

偶憶

近況真難語塞鴻江湖卧病亦怱怱杯空寒色一燈裏夢
在雨聲雙鵬中壯志平居多感激同官健者定從戎不知
馬上誰提筆親紀將軍殺賊功

九月十四夕夢中作

屋偏藏老樹衣溼散歸雲水氣乘閒出山身向晚分年豐
農事足客到大聲聞便借茅堂宿無因識隱君
鐙暗雞傳唱涼生月入扉破空人語細行遠寺鐘微地僻
消塵慮心清集道機明朝出山去幽思定多違

送汪魚亭還里

來何棲棲去草草送君再出長安道柳條不似昔年青秋
氣真隨故人老君將入仕游未倦我欲著書心已槁不忘

溝壑守窮乏恥向妻孥說溫飽年來自許黏壁枯相對猶
憐擇枝繞君身木彊氣不屈神鬼揶揄百端擾高才易竭
須善繼美譽難勝貴終保千金屢散身枉勞萬卷重開歸
及早孺人稊子入鄉夢淚灑鎧檠客懷渺陶潛醉語醒者
恕杜甫登牀貴人惱家無僮石豈得住主客初心亦難曉
敝裘羸馬天蒼茫投轄傾囊事縹緲漫拋心力繡平原誰
出黃金鑄賈島卅年故舊幾人存千里關山何處好布帆
安穩浩歌還回首交游跡如掃

興安道中

羣山奔會中孤嶺每一卸叢叢灌木合隱隱村墟藉後巘
降已深前谿入猶乍田疇好風日宿雨長禾稼丈人倚柴
荆召客憩茅舍繞屋棲餘糧倉廩無隙罅豐年豈有常比

戶畢婚嫁

連巒石輪囷起伏散壁壘我疑神人戰旗鼓擲于此免胄
鬻爾顛覆釜赭其底時清洗兵久刀劍不須砥地力用各
殊藉以鎮郊鄙團團列星隕鞭撻孰能徙崩崖垂象鼻宛
若鉅橋圯石爾苟能言吾將扣微旨

靈山自端居岑山走一臂側嶺卧高原城郭壓肩背縣門
帶場圃榛莽雜蕪穢街衢日色薄寂莫吏民對昔聞聚逋
逃據險亦可畏荒墟存黑灰治竈今則廢懷哉古人心建
置豈無謂

出門

三十官京師迎母東華住四十歸田園別母臨安去十年
不離膝一朝行李具隕涕看烏雛啞啞繞庭樹

老懷重骨肉貧家輕別離飢來攜子出低頭拙言詞我腸
轉車輪母淚落纓縻牽衣不成語但道勿我思垂老別兒
孫感傷唯自知我生無弟兄親戚況天涯馨膳託家人痛
矣南陔詩

知廉十五齡始去祖母懷平生鞠育心至此益無涯嬌憨
性不馴恃愛每多乖再拜萌本念號泣聲哀哀衣履悉手
製老淚痕難揩丁甯慎食眠力學期克諧勿令受笞撻致
我遙心摧

昔別但思子今別兼思孫服我初服衣舊淚連新痕祿仕
養且薄家食甯足存古人重恆產至性皆可敦俯仰有慚
色勲業誰能論一身苦支離難答君親恩

病婦偃空牀行矣不能顧豈無兒女情門外多歧路藥煙

啟羅幃復牽知廉衣傷哉母子別慘于夫婦離兩季學母
泣戀兄亦依依送耶出門去問耶何日歸

歸期若許長去路日已遠語婦惜憂勞勸母加餐飯風來
畫堂深日下離亭晚抑情只自傷卻願敢頻反出郭愁思
紛登舟客心短夕夢共兒還孤篷雨聲斷

五更

村雞膈膊曉星移殘夢初迴各自知岸上驟網江上槩最
消魂是五更時

過瑞洪

記得韓康賣藥街袁公門巷掩荆柴瓦鐙照字教兒讀敗
絮圍身卧母懷船泊檐牙糠作飯魚生牀角竈沈蛙六年
往事堪迴憶只有殘碑宿草埋

三齡棲託八齡歸墓祭深慚報禮微奉母何曾陳鼎俎銜
哀今已脫麻衣九原酬德心無盡雙敕貤封願敢違空賸
兒時兩行淚重來兼慟失慈幃

題施生

晉

詩本并東黃生

景仁

碁鐙雪屋暫淹留相倚眞同李郭舟才大士多嗟不遇情
深人每善言愁江東年少雙行笈燕市天寒一敝裘史館
餐錢書局紙因貧聊復與沈浮

蔡以臺字季實號蘭圃嘉善人乾隆丁丑一甲一名進
士授修撰有三友齋遺藁

寄周青在

白板巖扉負甲開但無車馬便蓬萊風篩千个平安竹雪
壓一枝偃蹇梅慧業已甘靈運後夜窗還待子猷來紅鑪

綠螳春溫在莫枉相思一寸灰

光明殿寓齋應慎郡王教

左右鄒枚幕裏賓樗材也許奉清塵棋敲暝玉甘饒子詩
效寒郊肯讓人兔魄乍虧三日照桃花依舊十分春選樓
開處多閒暇倩問朝天酒幾巡

薛寧廷字補山雒南人乾隆丁丑進士改庶吉士授編
修有洛間山人詩

詩話補山登進士入翰林越六年休致歸養歷游吳
越河朔間與當代名流相倡和晚年多在山東省主
講各郡邑書院居貧樂道以詩爲性命其集經袁子
才蔣心餘開定者居多詩輕圓瀏亮亦與兩家相近
其刺時感事之作頗
有似香山新樂府者

雜詩

哀牙
山也

桐生依崖壁百尺臨清流所託本孤危飛鳥不敢投直幹

戰風雨入夜鳴颼颼豈必中梁柱琴瑟可與謀未遭牙曠
顧搖落不及秋枝葉乍飄墮根株迸莫收桃李自芳菲芳
菲使人愁

賈生傳長沙投書弔汨羅觀其賦鵬鳥未免悲軼軻少年
盛鋒銳一跌遂消磨憂思鑠精氣莫反魯陽戈柳下昔三
黜直道原無頗阨窮而不憫乃稱聖之和絳灌豈讒佞蒙
此蔽賢阿空抱治安策實辜聖明多悔不從園綺采芝商
山阿

漫興

自笑宦踪同昔賢遮莫眼飽西溪蓮游春亭古飛蒼煙試
將濁酒呼杜老日夕發興相留連

地接南山萬林竹風雨蕭蕭動新綠五眼泉噴水百斛坐

來濯盡京洛塵枯澹未妨食無肉

東溪西溪杭稻香鮮鱗作鱠皆飫嘗白雲浮嶺何茫茫不
須授枕自成夢有人兀坐炊黃粱

登報恩塔作書陸雨莊冊子後

雄都峙南戒陟歷妨夏炎縹緲想高際遠眺窮毫纖散步
出近郭紺塔鈴語簷拔地石筍峭溜雨天花黏支撐仗調
御超忽驚蜚廉上絕飛鳥飛下有潛蚪潛粵建自永樂竭
府供莊嚴長干仿阿育報母追巖崦輦石萬牛重鞭血干
夫殲轉輪鬪般巧卓筆稱蒙鈿螺房寄詰屈蜃窗眩迴瞻
江流細如綫鍾阜清於帘臂釧抱城堞恆沙攢市閭混茫
元氣浮孤迴晨光暹九層僅得七足力誰能添險作墮枝
鵲困此登竿鮎輕命總窮薄稽禮懲危阢百千萬億身一

笑花同拈小憩話興廢指畫哦吟兼不食武昌魚江東歸
紫髯六代何草草冬烏夏之蟾頗亦崇象教乞波羅蜜甜
奢淫召兵燹何以甯蒼黔皇圖今無外東鱗隨西鵲越裳
塗所經相風茲其占高生辯而裁王子文而謙百聞證一
見不啻翻鄴籤維時盛霖潦遠水鋪白鹽高田化沮洳低
禾橫漫淹阻圩悔捧土不穫胡腰鎌斗增故鄉思安得斯
民恬歸來或問訊吾舌牢生針聊費少楮墨能者當子矻
陸郎索我書嗜痴心未厭振筆了急逋抵合浮圖尖

木末亭謁方正學祠

恨殺年年燕子來春風不放野棠開董狐筆是萋宏血碧
滲堂陰繡作苔

慈伯再疊前韻見譽走筆奉答卽從西澗和章

世貴悅耳正聲少聞鴉則怒鵲則喜愛秦吉了工語言終
年卻閉雕籠裏鳳凰希見誰聞鳴妄以截竹參差比詩雖
人籟實天籟標竊形貌非神似高有喔喔若木顛卑如閣
閣井泥底刻玉綴珠自足珍亂頭粗服或更美遲速何須
判巧拙我愛祝錢兩公子西澗尊人任內閣典籍決渠突驚萬斛噴
爲山要從一簣累飽食麟脯思江瑤餘事作爲餘波綺公
車計日召嚴朱麗句同時鬪溫李嗟我鉛刀久頓鋸那堪
致師旌頻靡輸他玉女郭舍人蒙天一笑啟玉齒鳴冬仍
有寒蟲號僧龕細嗅薝蔔蕊送詩幸未惱漁童免俗差似
柳家婢

爲劉王言書刁遵墓誌搨後

劉郎厯落一酒人詩篇富不救寒餓二豪侍側如螟蛉往

年曾罵將軍坐淵材壯游恥言貧巨囊時誇蹇驢馱家近
南皮百戰場拓跋舊姓刁氏大玉魚金枕出人間幽石剝
缺苔蘚浣牧童敲火牛礪角古寺牆陰或枕卧庸夫俗子
肯顧渠閭世閱人同涕唾偶然鑒賞等和璞百錢役使雙
肩荷歸來洗剔手自搗紙光墨彩不脛播請者卽與買者
勤廉取曾不居奇貨當時書丹例不名漁洋並記安平那
北海家法衛夫人鍾王濫觴歐褚佐我讀其文玩其書洗
盞酌君爲君賀從此藝林壽刁遵好事更傳君一个精光
夜夜動星文叟藏莫遣雷轟破作詩漫附石鼓歌酒酣或
可相賡和

書秋谷詩集後

天以蟲鳴秋此事屬寒餓休官未三十不可惜可賀坡谷

相角逐裂竹偶入破若遣老名場經綸蟻在磨司寇魯東
家談詩在高座

昔夢之帝所一聆霓裳曲謠詠妒蛾眉酒食生岸獄歸坐
滄浪亭臨流濯我足綺語出金仙冰銜換玉局嶺海發奇
情禿豪脫羈束詩留天地間何啻爲令僕

魏大文字叔明號松軒平越人乾隆丁丑進士改庶吉
士授檢討

過浮邱寺飯力公房

古寺蕭蕭雨歸途分外長泉枯丹竈井風滿贊公房法座
松花落齋廚雲子香諸天方施食一飯試教嘗

楚游雜詠

草綠湖南馬足輕雨絲風片近清明青山到眼都奇絕小

李將軍畫裏行

沿渠春水只容刀
理楫逢迎不憚勞
欸乃一聲煙際語
漁罾閒挂綠楊高

李翊號衣山晉甯人
乾隆丁丑進士
改庶吉士授編修
春望寄懷施大醇

近郭人家少平田
綠水環花間藏野
徑竹外露春山晚
寺殘鐘度煙林倦
鳥還長卿何處是
直北望燕關

李淑芳字藝圃渠縣人
乾隆丁丑進士
歷官御史有藝

圃詩集

詩話乾隆之季柄臣專政惡聞直言藝圃疏言畿輔
遭饑饉流民載道有司阻蘆溝橋不使至京師上
命大臣偕往蘆溝橋察視無所覩乃以妄語予薄譴
時有范給事宜賓爲文肅公裔疏與藝圃同以漢軍
世僕虛言沽譽特重其罰至遣戍

晚秋江上

淡淡秋江落日斜
水清沙白下寒鴉
漁人撒網攜壺去
一路歌聲入荻花

曹錫寶字鴻書號檢亭又號劍亭上海人乾隆丁丑進

士改庶吉士授刑部主事歷官御史贈左副都御史

詩話劍亭初以中書直軍機處嗣由庶常改主事入諫垣抗疏劾和珅家人不法受人之給章上需緩事已彌縫吏議奪職高宗原之仍命留任及仁宗親政追贈副憲以旌其直當時與錢南園並稱晚歲好孳訓詁校勘諸經篇什流傳者皆未入諫垣時所作

聽泉

向曉萬籟寂策杖登孤亭
泉聲巖際來耳畔響泠泠
松風亂猿鳥潭霧澄幽靈
悠悠變今古淡淡歷晦冥
眞機了可悟起視數峯青

出古北口

霜淨宿莽平風高邊馬壯我行出巖關心目恣駭浪巖嶺
爭超突泉瀑互奔放仄徑容數騎萬雉森巨防巍然衆峯
頂鑿削出天匠是時夜將半落月排疊障屈曲窮攀躋直
上凌空曠出險復入險頃刻倏萬狀回首眺神京煙樹鬱
相望歸途更登陟壯觀答微尙

早發

潮聲喧野渡早起掛孤篷夢斷數行雁秋深兩岸楓荒城
寒霧外殘月亂流中不盡煙波興扁舟信曉風

訪葉恆齋舍人南屏詩屋

碧草侵平岸閒階長綠苔林風涼不歇溪鳥去仍迴簾爲
塵多下花知客到開傍橋流水曲處處種官梅

秋日南城晚眺

日落江沙白潮來衆壑鳴
雲山迴暝色風雨送秋聲
生計天涯少文章道路輕
年年蕭瑟意愁絕對江城

歲盡菱門言歸作

郊居契幽寂歸趣入塵氛
持此謝芳草因之慚白雲
沙寒徧積雪林寂兼斜曛
君聽天外雁寥寥聲念羣

早寒

策蹇凌霜坂風高木葉乾
空山秋易老絕塞氣先寒
肅肅車徒靜迢迢鼓角殘
幸依仙仗近行路敢云難

塞上

高嶺倚層穹寒生萬壑中
驚沙常暗日衰草自生風
霜落征衣薄秋高塞馬雄
揮鞭一長望煙樹正空濛

秋日塞上雜詠

雄關高並太清連終古風雲壯北燕山自朔庭環九域城
聯遼海控三邊牧羝沙暝空榛莽飲馬泉清絕瘴煙盛代
卽今虛斥堠秋光滿目覆平田

烏桓城下陣雲黃白馬關前月似霜百戰雄圖餘玉壘累
朝形勢固金湯天晴鐵騎排空見日落龍沙四望長惟有
灤江嗚咽水年年常自繞邊牆

戴文燈字經農號匏齋歸安人乾隆丁丑進士官禮部

員外郎有靜退齋詩集

詩話匏齋出富陽董文恪公之門經進文字資以商
推浮沈於禮部郎署入年熟精典禮爲汪文端金檜
門總憲所倚重詩才綺麗粲舌馨牙幾與梅村
相頡頏但少魄力風骨此其所以不永年也
題洪忠宣公墨寶冊子
冊首載高宗手敕二道一頒
忠宣母銀絹一使旋後趣之

入朝皆紹興年筆後附文惠公記恩手書一則
鑑淵忠宣陷北時古詩十二首又有高宗御書忠
孝傳家四大字文惠謝表一通存轅中未繫陳龍
川考亭朱子魏鶴山真西山文信國諸跋真希世
寶也膠西高君得之
吳趨市上爲賦長歌

駝牟岡下晝攢矢朔馬來飲汴河水康王出和敵不和猶
勅朝臣奉金綺使者多人不記名錚錚鐵有洪佛子冷山
囚繫十五年幾番嚼碎睢陽齒上天好還鑒孤忠節毛落
盡歸鄉里到來白首對明廷那知賊檜講張技指喉狂犬
吠猜猜萬里南遷到儋耳坐令璽書恩不下殿中枉費黃
麻紙嗚呼思陵非忍人也念小臣歌陟屺子母猶勞金帛
頒父兄甯聽冰天死惜哉庸臣實誤國遂教天子長蒙恥
姦回有柄和遂成柔懦無能仇竟已千年展冊留鬱怒已
死奸諛劍欲指紇干山雀已不歸歎息孤臣淚空泚

泊舟沙溪夜聞雨聲

松根敝倒繫纜長統如打鼓夜未央
雨三點雨集微霰百八聲鐘鳴曉
霜聯拳時見宿鷺靜嘹唳沉復哀鴻
翔朝來衝霧下瀧去煙昏不辨山蒼
蒼

暮春雜憶江鄉舊事

水國輕陰爲養花小桃遠近自蒸霞
雨滋上番新栽竹風遞頭網初焙茶
舊壘燕歸驚有主故人書至念無家
青絲絡首青門道容易秋霜點鬢華

初春山寺客游稀散帙開襟暫息機
一杖探梅因月上五更剛筍帶雲歸
墓田丙舍空書帖蕙紉荷纓未授衣
久溷緇塵緣底事行吟又見柳花飛

自衡至永舟中雜詠

合江亭前灘水平
臨烝城下峭帆行
晚風催送津鼓急
枝上昏鴉寒作聲

雨晴哀壑激虛籟
風急寒林響墮樵
斜日半竿人曬網
荻花如雪插魚標

鹿迹徧山茨
傍崦人家短竹籬
乞得臘前霜露足
東園蘆葍盡生兒

由朝天巖東行磴道
曲折山腰爲扶嘯臺
遂登屏風巖
巖巔坐玉皇閣眺西江

幸得駐曦軒
復此窮元化
諸峯相犄角
一雄獨稱霸
攀林宿鳥驚
引蔓藏蛇怕
峯顙欲礙行
徑窄纔容跨
筇緣入深壁
撐空得廣榭
八九丈
欹側萬千象
吞瀉山果剌
猿猱林花集
蘭麝沾衣空
翠潤過澗飛
泉射俯際蒼
霧濛仰觀青

天罽盡滌俗士襟言登招提舍極目海雲微
匝岸風檣卸萬頃碧流澄一綫銀潮研峯巒
分向背原隰錯耕稼人稀午鐘靜幡動石壇
亞茶煙晝漏移清籟松陰乍若爲挈偏提
花茵聊可藉

夜泊沙口待潮

岸闊維舟遠沙崩逐水消野雲迷朔雁暝
色辨西樵蜃女迎船語漁郎向客招無因
催六翮飛促海門潮

度梅嶺

亂崖蒼蒼劃地戶中穹一脊雄南邦是誰
鑿破混沌界前有梅銷後曲江我生三十
始得到山寒冬涸空徒杠凍蛟背踏玉雪
樹蒼龍鱗脫枯槎椿沙蟲人影視空外
倏忽緣上都盧橦古院有雲封飄落隨
幡幢僧言新州此說法指

點衣鉢泉淙淙山半有衣鉢亭泉水一徑轉得關門玉女

閒窺窗承平兵革銷不用惟見老樹堆空腔嗚呼秦尉竊

帝號一夫足敵九鼎扛稱臣奉貢屈辭說更歷數世非心

降樓船忽見下楊僕伏波更出湟溪瀧乃知在德不在險

悠悠天塹徒崆峒返思前度始安嶠在今興安縣平流如

掌纜容艘以茲作鎮界揚越南訛平秩功無雙夜投逆旅

慰心悸燒春滿注燒甕缸浩歌坐見燭花跋東山遠寺昏

鐘撞

汪新字又新號芍陂仁和人乾隆丁丑進士改庶吉士

授編修官至湖北巡撫加總督銜諡勤僖有芍陂詩

藁

詩話勤僖自詞館入諫垣負敢言名視學閩中按興

化有郭生鍾嶽者年九十二猶應童子試取入學口

占絕句贈之曰已栽桃李更栽松看取虬枝學化龍
好護雪霜榮壽域他時名號薄秦封其後登恩榜授
司業與千叟宴蓋年逾百歲矣勤儉開府楚中教匪
不靖軍書旁午卒於襄陽軍中配方夫人能詩嘗和
阮文達冬桑有句云鋒車未靖人將
老閒卻成都八百株遂成詩識矣

辛峯閣聽雨和鶴江韻

春愁無計遣況復雨兼風薄霧凝高閣寒雲沒斷鴻蒲團
同白足簪笠愧漁翁句引離鄉思更殘滴瀝中

和邵藥宮立秋雨窗卽事原韻兼寓感懷

簾蠹細雨散絲明應節庭梧已作聲差喜暑闌三伏盡便
看秋至十分清垂簾坐處琴書潤步履吟餘芋葛輕又是
年時剛過半客懷無藉夢魂驚

少住爲佳客館停憑將情話伴孤醒蕭條舊宅梁間燕零
落諸昆雨後螢愧我鬢髭潛換黑喜君雲霧撥來青長歌

自是牢愁甚和向秋窗浙瀝聽

程大中字拳時應城人乾隆丁丑進士官清溪知縣有
在山堂全集

送別張白菴

歲晏風沙急寒江起暮愁思親雙淚眼送子一虛舟計拙
貧常在時豐酒易謀清尊聊共對雪霽好登樓

過應山留別楊映人

十載一相見恩恩此夜心月如前度好情覺老來深舊識
無多在新詩喜共吟明朝谿路遠不厭酒頻斟

江陵

高空漠漠轉晴沙千里江陵落照斜梁苑月明南去雁渚
宮秋冷暮歸鴉詞人意氣輕劉表野客風流老孟嘉幾許

關心成往事旅亭惆悵對黃花

長湖舟中

扁舟東下月清微野水空濛獨鷺飛一片寒光搖不定黃梅村路客初歸

解秉智字葛周號月川天津人乾隆丁丑進士官安化知縣

九日有感

獻策前年滯帝鄉傷心又度一重陽淒涼院宇池無菊落拓功名鬢有霜詩爲感懷聊寄詠酒因酬節勉銜觴客亭莫話登高事望眼何曾到北堂

阮芝生字謝階號紫坪江南山陽人乾隆丁丑進士官德清知縣有聽潮集

雜詩

積雨多晝陰齋居苦不懌向曉知新晴啟戶見佳色遙天
掃片雲四山送新碧鳴鳩起樹間落英忽已積冉冉春光
徂坐感芳時易何當攜一尊重蠟謝公屐

秋初詠懷

商聲一夜起蕭瑟暗庭柯秋色已如此客懷將若何白雲
千里隔南雁幾行過不盡登樓思蒼茫獨放歌

周嘉猷字辰告號兩塍錢塘人乾隆丁丑進士官益都
知縣有兩塍集

詩話兩塍熟精南北史爲補年表又頗其映藻署曰
拈華頗行於世工爲儷體乾隆間士爾扈特和碩特
諸部款塞撫部令撰賀表裕陵賞之問作
奏者何人撫部舉兩塍入奏亦文人榮遇也
酬張大誠然天津見寄卽用原韻

我似棲林鳥君如破浪船此間春又老何地月重圓客夢
依鄉井離愁入舊年清樽話疇昔期在五雲邊

虔禮寶字席珍一字律齋號古愚漢軍旗人乾隆己卯
舉人官至兵部侍郎有椿蔭堂存藁

秋江晚泊

極浦青蒼溼未收晚風吹檻更悠悠半村黃葉斜陽裏一
片閒雲古渡頭清景可憐皆入畫孤心易感不關秋水天
無事容高卧此意蕭然便十洲

自題容我山房

大千世界應容我五十殘年老漸真解得須彌同芥子一
間茅屋四時春

退思祇願身無過守分方知樂有餘釀酒先栽三徑菊看

山更擁一牀書

孫永清字宏圖號春臺無錫人乾隆己卯舉人官至廣東巡撫有寶嚴堂詩鈔

自風篁嶺至龍井

隔嶺聞風篁淒韻雜飛溜緣巖將百轉仄徑迴疏秀遙梯白雲封近見紅日漏登頓蒙翳深夾林華鬢覆細泉繞其根澄泓媚石聳巖花共鮮新古翠紛縹繡空色妙不延神景愜無舊想像東坡翁高人此締構去住本無家風流不可復莫辨虎溪蹤誰識歸隱寶我亦蓮社徒欲去戀孤岫欲再登孤嶼潮急不得到遂至館頭

江上變氣候金風被蘭渚歸淙偶迴沿中川眷琳宇仙舟幸同攜曉吹韻笳鼓瀾瀾沈石華離離出竹祖是時迴怒

潮榜人暗無語聲喧干石鐘勢挽萬鈞弩超越匪尺尋端
倪辨銖黍方蓬失罡飈何必弱水阻翻憶前度來目成渺
何所心逐虛舟游蹟謝短筇挂修塗果安窮噫氣空爾怒
稍忻卽次安已慰登陟苦寄謝海上鷗忘機久予取

新湖

積雨緣巖岫空林明翠微人家湖口遠魚鬐晚來稀獨向
煙中立翛然風滿衣仙源不可問雲徑是耶非

張銘字新盤號警堂南城人乾隆己卯舉人官江南蘇
松太兵備道有警堂漫存詩草

敗蕉

移得蘇臺種參差綠扇攢風霜催旦暮籬落伴凋殘曾以
新詩寫還同舊雨看豈無松柏茂念汝太蕭寒

平原道中見漢大夫東方朔故里石碣戲成一絕

歲星猶自說當年避世金門亦偶然底事侏儒成飽死輸他飢死得爲仙

彭紹升字允初號尺木長洲人乾隆丁丑進士有觀河

集

詩話尺木爲芝庭尙書子初治古文講經濟中年乃耽禪悅皈依心淨土與汪大紳羅臺山稱同志詩派甚正晚年閉關以後則但以抒寫禪機又當別論矣

哺兒詞

朝哺兒夕哺兒兒飢兒飽惟母知母哺兒甯言疲兒索母無是非兒夜半方苦飢嘸索母起作糜糜不熟兒還嘸解衣乳兒兒方嬉兒勿嬉有客爲爾長涕洟人生誰無阿母慈爾生如我當知之

卽事

庭前有遺粟鳥雀共欣欣回首見人影翻然入遠雲機心如得盡萬物可同羣到處春風裏何人不共君

謁二姜先生祠

飄零雁羽共殘生諫草空傳千載名九死流離君父痛一生患難弟兄情萊陽歸去餘荒戍吳國淹留賸老兵虎阜山頭薦蘋藻風流應共首陽清

將出都門留別彭衣春韓公復李西園羅臺山

我懷江海意未免念離羣落葉辭庭樹秋山帶暮雲春明同作客樽酒更酬君爲有平生事行藏了不分

礪磯孫夫人廟

玉佩雲旗下碧穹寒磯日落冷青楓貞心不夢荒山雨濁

浪常流古廟風降表忽聞傳鄰下義師誰見定關中蒼茫
家國無窮淚灑向空江怨呂蒙

王鳳文字儀廷號竹軒諸城人乾隆己卯舉人官雲龍
知州

羅坪山寄咸齋表弟

微雨初消靜宿氛幽花滿路暗香聞縱橫田納彎環水高
下山蒸散碎雲石徑村煙遙欲接樹頭人影細難分天然
一幅清秋景粉本憑誰遠寄君

張遠覽字偉瞻號桐岡西華人乾隆己卯舉人由教諭
歷官黎平通判有初存採薪古歡汝南黔游直方堂
諸集

王德甫曰偉瞻沈靜誠慈望而知爲端人恭士鄉黨
出朱石君先生門下垂三十餘年始爲縣令得黔之

鎮遠地處衝繁且值軍興之際遂乞老以歸家有水田一頃善本書二三千卷僭門人王耕畬講習以終老詩學浣花翁古

文得震川

一體

詩話偉瞻通詩春秋二經兼治金石之學母喪廬墓初官正陽教諭兄來視遽病卒乞假歸葬僭友赴禮闈已至都而友卒不入試徒步二千里持喪還孝友篤行爲時所稱

白龍厓

舟過白龍厓石筍插千尋石氣鬱爲龍高卧無古今如何不作雨長戀青山岑高望不可卽遲爾金玉音

詠懷

抱影成獨吟白日忽已暮歸鳥羽翹翹三匝繞庭樹自別同心人十載艱良晤豈無新相知懷此平生故相去日已遙芳辰誰與度處子冰雪姿望望有餘慕君子執高節厭浥夜多露

武九億罷博山卻寄

藉甚博山令音書遠易乖聞君挂吏議長揖歸茅齋歲有耕何穫官清罷亦佳余思投刺去指日渡清淮

登令武山絕頂望嵩嶽

犖确通微徑高崖勢欲騫晴雲開二室秋色滿中原煙暝千林接風迴萬壑奔便思騎鸞鶴西去看崑崙
天半龍門峽雲間啟母祠遙岑何窈窕殘照與參差鬢髮風塵早煙霞日月遲當今思將相申甫降何時

韓夢周字公復號理堂濰縣人乾隆丁丑進士官來安知縣有理堂詩集

詩話理堂理學而兼循吏自序云初爲詩襲歷下太倉摹擬漢魏繼欲自見情質又多俗言集中卽事抒懷藹然醇厚有合風人之旨

農夫歎

三月宜種穀貧家無耕牛感激鄰舍翁得以事西疇偕作
少丁男老妻力還道溝水解渴腸糠粃充飢喉辛苦何足
道未識有秋不我行聞此語淚落不能收四體安且康日
日羅珍羞終歲力原野飢寒且無謀農夫前致辭人生豈
自由苟得一身安甘作溝壑投石田二三畝爲累成瘡疣
糧冊既有名官役急星流昨日縣帖下興作及署樓服役
亦所願胥役更誅求

贈安潛山改亭

卅載隱茅屋未識官吏貌頗聞野人言威凜霜雪曜私擬
牧牛羊何用作虎豹及茲莅皇堂泥首列稚耄鞭扑竟時
施氣急遂成躁那無道路口詛我以爲暴黽勉事撫恤爾

汝相慰勞立法在懲奸平人使有告未獲神君名時凜蒼
鷹號循循守往訓居官如學校以茲懶趨走中頗鮮欣懊
安有老乳母乃作倚門笑皖江春色高蕭寺徑相造問君
從何來百里承恩詔學至非飢驅淵明諧特妙果腹事則
已要有韓才報愛民卽爲國好事在忠孝勿謂人莫知至
寶光自耀太史書循良千里獨仰眺

漂母祠

一灣流水碧荒雪下祠門不見王孫釣空傳漂母恩崩通
亦徒耳相國更何言未爽千金約黥彭莫並論

病起至程符

深秋老病自侵尋夢裏雲山思不禁乍御巾車遵北渚便
扶筇杖入西岑從無嬾慢名賢達別有荒寒成古今破帽

風吹黃葉路蕭蕭瘦影一長吟

張邦伸字石臣號雲谷漢州人乾隆己卯舉人官固始

知縣有雲谷詩鈔

李雨村曰雲谷余同年姻家爲人敦靜安鎮歷宰襄城固始實心實政其發而爲詩無非激濁揚清義取關乎風化

題盤白山人月林清影圖

涼氣入疏林秋光耿遙夕幽人起披襟弄月吟寒碧嶺上松風鳴巖畔流雲積何處嘯鸞聲佇立情脈脈

游蘇門

太行西來一萬里奔轟直到蘇門止銜煙噴霧不可羈化作飛泉百道起湧金亭下雲雷喧大珠小珠沸靈源蛟龍夜撼蒼山動銀濤倒捲天河翻潏洄吐納千萬狀一泓清

必流春盎海眼潛通星宿波樓臺裝點西湖樣我家江水
西復西浣花錦水聯清溪一行作吏來中土栽眉玉壘青
雲迷登高忽弄嘯臺月樹影山光兩明滅嶺頭南望見中
原九曲河流杯底洩孫隱君去已久鸞鳳之音世無有仙
人天際一招手他年共作山中友君其歸乎許我否

汝陽道中遇雨

水落平沙雨一痕廉纖不斷自朝昏馬前看取長隄柳綠
到淮南第幾村

李肇源字河先號西槎諸城人乾隆己卯舉人官建安
知縣有懶餘集

出郭和驛亭壁間韻

候館逢迎得暫閒城東柳色豁塵顏浮天海水高於地繞

郭人家半在山出寺心隨芳草遠登臺目極斷雲還冷官
漫道無拘束辜負春光咫尺間

黃紹統字燕勳香山人乾隆己卯舉人官瓊州教授有

仰山堂遺集

張南山曰仰山堂者先生官石城時與諸生講學之
堂也先生既顏其堂而自署楹帖云爲倫類中所當
行之事作天地間不可少之人蓋先生
之志如此然則先生者徒詩人乎哉

杜工部

才士疇能與節俱拾遺忠諒古今無甯甘憂憤名詩史不
願疏狂學酒徒天子蒙塵靈武困小臣避地草堂孤最憐
蜀道崎嶇日吟盡窮愁有鷓鴣

邵自華字立巖大興人乾隆己卯舉人官清豐教諭

詩話邵氏科第甚盛立巖兄自昌登高第致通顯弟
自悅與同榜自本自和自巽自彭先後皆舉京兆其

一爲副軍從弟自鎮又
與子庾曾同榜進士

市遠

市遠人聲少松高鳥語深一官閒似鶴五字鍊如金懶貰
臨邛酒常攜中散琴菱荷衣早製何敢負初心

吳顯原名嗣程字仰顯號洛波一號退菴錢塘人乾隆
己卯舉人官遂昌訓導有曉巢詩鈔

詩話退菴耆年績學著述甚富嘗輯順康以來杭州
先輩之作至其孫仲雲督部編刻爲杭郡詩輯三十
二卷又續輯四十六卷後同縣丁氏復成三輯百卷
蒐采大備皆先河之導也累葉科名人各有集蔚爲
浙中
族望

同顧寸田游小泉山

玉田有山曰小泉泉鳴石罅流涓涓尋幽那惜雙足繭約
客攜酒登山顛石筍玲瓏競奇秀水花颺沸爭洄漩枕流

便倚苔磴卧烹茗欲借雲腴煎竭來五載住河朔巾車日
苦風沙撲何當眼底見清流爲我半生洗塵濁主人愛客
呼醺醪落日銜山歡不足醉中根觸舊名心三十男兒還
刺促

婺源溪行

沿山一棹婺源行山色蒼蒼溪水清擬到黃州說風景小
茅蓬底浪花聲

梁山早發

萬山絕頂白雲端上有行人度曉寒他日東歸到平地記
將辛苦畫來看

春游

輕風吹暝試單衣花引游人入翠微石路曲盤溪水綠春

蟲無數馬頭飛

何明禮字希顏崇慶人乾隆己卯舉人有斯邁草心謂

集愚廬正續集

入峽

夔門穿一綫怪石插流橫峯自雲中出丹從地底行亂猿
昏月色殘葉冷江聲神女知何處時時雨尙生

吳瑄字元恪號易巒黃安人乾隆己卯舉人有醉月樓
詩鈔

天台風洞歌

我來天台春已暮探奇亂踏天台路山腰怪石聳嶙峋虎
豹蚪龍僅容步側身更向絕頂行厯盡崎嶇漸坦平危橋
盡處有奇窟耳畔號呼風作聲山中老人爲余說是名風

洞殊奇絕吹噓四序嶺頭雲解釋三伏懷中熱邀我攀藤
入洞中蒼松幾樹影摩空洞前芳草芊芊綠洞口山花故
故紅乘閒偶坐松陰下一枕羲皇正瀟灑倏忽風吹夢漸
回千層碧澗潺湲瀉長嘯一聲天地清洞門人去白雲生
何時重與山人約不負松風夢裏情

邊嚮禧字霄芝號枝山任邱人乾隆己卯舉人有就韵
齋詩

重展子畏觀察遺札

公方唐子畏我愧祝枝山名字前身在分離後會艱讀書
詞委曲思舊淚潺湲卻指烏臺柏蕭騷不可攀

晚晴簃詩匯卷八十八終